

智光導師

智光和尚法諱彌性，號以心，別號仁先，受焦山記莝後，法名文覺，號智光。江蘇泰縣孫氏子，生於光緒十五年五月二十五日亥時。夙具善根，十三歲，依宏開寺玉成和尚剃染。十七歲，詣寶華山皓月老和尚座下受具。光緒三十二年，入揚州天寧寺佛教中學讀書，文希法師任校長，日人道揚居士任教授，是為我國僧學校之始。會有人誣以革命，校長入獄，學校解散。三十四年，石棣楊居士創祇洹精舍於南京，負笈從之，與仁山、太虛二尊宿同學。又二年，清廷虞佛青年參加革命，飭江蘇諸山設僧立師範，遂轉入肄業。刻苦自勵，進步神速。宣統三年與仁山、太虛二位尊宿，發起佛教革新運動，首擬改金山江天寺為學校，為當事者所格，卒不果。民國二年回泰縣，創儒釋初高小學，出家青年有新思想者，翕然從之。得弟子南亭，後亦為當代大德，且隨侍終身焉。

和尚猶以所學未充，志在深造，月霞大師傳賢首宗旨方主上海華嚴大學講席，乃往就讀。校務因事停頓，隨月老轉入杭州海潮寺華嚴大學，長期肄習，深有領悟，曾著華嚴大綱，後燬於抗日兵火。民國六年，日本脅中國訂立二十一條條約，要求日僧入華佈教，北京為圖抵制，請月老講楞嚴，和尚隨往，月老不慣北土氣候，旋即南返。應九華東崖寺請講楞嚴，又赴湖北講經，東崖寺講席即由和尚代座，又隨月老至宜興罄山寺講法華，既而月老示寂，和尚痛失所依，頓悟人生夢幻，遂專事向上一著。常州天寧寺冶開大師，禪宗泰斗，名滿大江南北。乃往入堂參究，歷時三年。天寧定例六十年傳戒一次，民國九年值戒期，求戒者近三千人，和尚任知客，處理繁劇，條理秩然。

民國十年，掩關泰州北山寺，專究華嚴。旋應鎮江焦山定慧寺之聘，受記莝，任監院。焦山為中國古剎，住眾常三百餘人，以研究教理為主，與金山之禪，寶華之律，鼎足而三。和尚卓錫講學，座下嘗數百指。十八、十九兩年，應香港何東夫人張蓮覺居士之請，兩度蒞港講普賢行願品諸經，開香港佛教之新風氣。十八年香港苦旱已久，

開講之日，大雨滂沱，以是聽眾極盛，曾著婦女學佛緣起，風行一時。

二十三年，任焦山定慧寺住持，首改叢林制度，創焦山佛學院，造就弘法人材，先後卒業而能分化於四方者，指不勝屈。二十六年抗日戰起，焦山地勢險要，寺眾咸勸引避，和尚以常住為重，誓共存亡，日寇至，闔寺精華，全付一炬，以挽救得法，未傷一人，而大殿、天王殿、藏經樓猶得保全。和尚遂返泰縣，卓錫光孝律寺，集故鄉子弟，教以佛學及愛國思想，從事抗日宣傳，創福田工讀社，提倡生產報國，並至出生地之黃柯莊講普賢行願品，鄉人初聞講經，莫不歡喜稱奇，勝利後始返江南。

和尚於三十八年抵台灣，初至十普寺，講遺教三經。前司法院長居正與李子寬居士、張清揚居士等倡建護國息災法會，禮請主持淨壇。四十一年，弟子南亭創華嚴蓮社，迎請長期供養。歷講大乘諸經，並受聘至台南大仙寺、基隆靈泉寺、台中寶覺寺三次傳戒。平日主持華嚴月會，領眾共修。為鼓勵社友子弟升學，發起華嚴供會，集資為獎學基金，於社友清貧或突遭變故者，亦多救濟。經常印施經論，因而歸向佛法者，達數千人。其自修則以閱經、禮佛、靜坐為恆課，每屆冬季，必打個人靜七四十九日，數十年來未曾間斷。

和尚身體素弱，食睡甚少。五十一年春，入醫院割治小腸疝氣後，即感左胸上端疼痛，翌年加劇，中西醫莫測病源，遂於五十二年國曆三月十四日辰時化去，世壽七十有五，戒臘五十八，法臘四十一。是日為夏曆二月十九日，為觀音大士誕辰，蓮社例啟法會。信徒不期而集。翌日入龕，周身柔軟如生，頭頂猶溫。而斷七之日，又適為浴佛節，是亦奇矣。

和尚剃度弟子有靄亭、潤亭、南亭、遂亭、雨亭等，徒孫有存遠、恆遠、善遠、良遠、春遠、旨遠等，徒曾孫有自一、守一、成一、惟一、果一等。靄亭曾住持鎮江夾山竹林寺，南亭曾住持泰縣光孝寺，存遠曾住持儀徵寶光寺，善遠曾住持泰縣覺正寺，自一曾住持南京棲霞、普德二寺，守一曾住持宜興龍池山澄光寺。其焦山定慧寺傳法弟

子為鐙明、鐙朗等，法孫為圓湛、戒證、茗山、介如等。

五十二年智老圓寂其弟子南亭老和尚為報師恩以智光為名創辦智光商工職業學校以續其志。